

鳥

鳳岡林先生全集

七之八

太政官文庫		
和	三	一
書	一	八
門	〇	三
	二	二
	二	一
六	六	三
七	六	一
冊	架	函

内閣文庫		
和	三	一
書	一	八
類	〇	三
	二	二
	二	一
二	六	三
五	七	一
函	冊	架
一	九	

165

内閣文庫		
番號	和	31803
冊數	67 (11)	
函號	205	176



10105

鳳岡林先生全集卷之七

男朝散大夫國子祭酒林信充士儔父輯

詩部

七言古詩




林塘野卜幽叟俄爾辭世我與叟有通家忘

年之契而志同情深每相遇不覺日之頤

夜之闌今及聞訃拋筆而哭今日當周月

忘古風一篇叙懷舊之情以漏餘哀之萬

野叟元是洛陽人壯年志學苟日新永不釋卷朝又



夕肘不離案秋又春經炊史酌信好古研精覃思頗
勤辛幸然被識水戶侯溫飽卽休養一身占閑不與
世態接林塘擇處謝俗塵勉彊不息老猶壯追尋南
華八千椿歎惜國史及闕文徃徃促膝問秋津憶昔
共登騷壇上風花雪月扳手鶉別後懶見光景好愁
勝百周轉車輪豈無好花與佳月如何與君不同論
豈無清風與白雪如何與君不同親七十二年夢中
過唯有佳名永不泯靈魂定入史館畔聽殘軸軸編
編陳隔得前池一片烟君家我居接芳隣滿林依舊
主何在且夕相看淚濕巾

狷庸黜了通鑑漢紀家君賦陽韻古風六十

句被示庸也庸也依同韻不用之字賦三十韻

於是予亦不能緘口採撮未押之餘字亂

道任口云爾

白帝潛跡赤帝進三尺雄劍鋒難當先除秦政苛於
虎衆民懷化喜無量頂籍不知天下大唯換玉斗一
雙饒感得紀信能誑楚滎陽脫圍難備嘗三傑並驚
各堪能決勝辨多又運糧蓋世勢氣今何在雖不逝
今仆又陽寬仁大度能將將勢如鳳翥與龍驤欲知
先王禮樂道綿蕤表位野茫茫唯惜自成遠征畧平

城墮指雪其勞始信文道能治國新語十篇認遺芳
驚見呂后漫擅權王陵雖戇義志剛代王遂升至尊
位知得天道文未喪內親百姓外撫夷平勃輔政垂
衣裳皆云不慙三代古賈生何獨淚滂滂軍中唯守
將軍令細柳管高風氣強孝景卽位七國叛晁錯先
見不可忘武帝逮元猶有志舉賢招學令聞昂衛霍
征夷勢益勇張騫乘槎入天潢不懲文成發中術求
仙欲向蓬瀛航堯母門舊主猶少霍光輔翼感寧康
蘓卿全節李陵降悅看上林白雁翔何事天公不與
善二十一年半熟梁公孫病已覈名實霍氏夷族徐

爲昂桓桓充國老猶壯屯田暴露征諸羌遂使漢室能
中興商宗周宣勢相盪矯制斬却邳支了封侯延壽
與陳湯梅福厭見外家權避塵笑拂岩花香朱雲欲
從龍逢遊直諫義志人皆愜哀崩平弒莽居攝炎運
全盡可慨慷一興一廢治鑑備披繙不覺移寒涼

寄題樗陋亭 并序

洛外二瀨村者家君采邑也村民今江清
長世世居焉清長昔侍亡叔父叔父以樗陋
二大字授之清長不堪抃躍歸卿之後乃
扁其亭往歲我友竹洞野節遊洛陽而憇

息于此作一律叙景象及其東歸家君及
亡叔亡兄想像其風景和野氏韻以示清
長其後北溪野子苞作記授之近歲門生
田犀亦一宿二瀨而作之記清長雖疎文
字聊有風雅之志故一一以裝潢之而藏
之巾笥以享千金頃歲祝融氏過於二瀨
樗陋亭亦爲烏有去歲之春清長新築一
室及夏而成請東溪石處士書樗陋字處
士素知清長有志頗加眷遇遂隸書之以
授焉且狂駕於其亭於是陋室生光也清

長雖在洛外心馳我家聞掛顯祖及妣亡
叔父亡兄紙牌於床壁每臨諱日燒香奠
茶抱懷舊之情守如在之禮其志可以感
焉頃間寄書於侍生頻請詠二瀨風景而
不止余始如不聽焉然於汝之行有取故
古風一篇任口云爾

洛陽之北二瀨谷深處新構一茅屋屋下清流屋上
山門是松兮垣是竹地僻境閑少客來朝峇山猿暮
麋鹿伐薪賣炭是生業前山落日送樵牧翠嵐晝昏
千尺林古溪流清一條瀑長篔引水清而澄心匠求

工好盥漱山屏卓立蔽風雨水飲充腹欲換肉小亭
自是溫飽足素行守分養幽獨何日得作西游計隨
意可臥白雲麓神遊身留水渺茫目徃心馳山重複
不見孫綽賦天台運思嶺頭彩霞簇又不見朱放詠
沃洲回首山上明月逐二瀨遠兮二瀨遠欲徃而遊
無由縮

奉和家君所示古詩韻

辛亥四月日光山有事余亦有命預其
末席家君作勸戒十條被示之且作古詩
一篇迺其行乃謹奉和高韻以贖數日省

定之闕云爾

生來二十七年遷繙卷唯要勵前程雪月螢火半惚
底既以身性附書鬢平生不恨知音少書友久敬思
晏嬰中歲頗為多病身自省稟質歎又驚到此始離
君膝下湯瘳過小田原城松杉挾路四顧綠石徑風
清暗泉鳴勢海千里風波暖鱗鱗羅網旅資營危峰
秀出當戶立白雲滿地掃又生或入巖徑或洞穴或
坐堤草或野苹浹旬羈愁猶難堪肩輿歸家胸霧晴
今般得祗二荒役清和時節風自清索居數日雖不
遠離恨滿腔描不成陟岵涉屺瞻望久書信平安待

題名經歷大人曾遊處滿山艸木可寄聲十條勸戒
書諸紳嘉言銘肝心自平卓爾 廟殿光彩煥瞻仰
竭誠表寸情恭惟我家顯祖父大名蓋世天地亨幾
多 官命攀山城來則重今去則輕奚奴頻唱錦囊
堆處處風烟健筆橫大人繩武預祭事咨詢稱宜耳
已盈說盡山中多少景百言千言金玉瑩我性不敏
難幹蠱空見雲山烟景爭海李遂不入山麓偽言何
事妄誇旬一篇長詩吟無厭典故件件眼始明寂光
飛流千尺瀑李句徐詩得細評電掣雷奔拔山勢匹
如怒潮入海瀛孱顏於我新知已忽向山管橋上行

唯思七茵更無他引頸回眸抱寸情歸兮欲歌吟未
了幸有啼鶻爲我賡何日畢得 官事去語笑欣欣

倚東榮

自註云不歷半刻而成
筆不停輟文不加點

伯庸默了後漢紀家君賦古詩三十六韻被

示之乃和其韻

春陵自有王氣揚鬱鬱葱葱瑞雲逐子翁相顧起義
兵恐於伯兮安於叔見小雖怯見大勇快看莽軍忽
摧衄驚殺伯兮俄遇害枕席留淚不能伏蕪蕪溲沱
難備嘗王郎偽兵遂殺戮赤眉謾崇劉盆子宗室謠
言勢却蹙隱若一敵感吳漢愁見五校傷賈復諸將

歸化各攀附龍鱗奮起鳳翼宿囂服於述述亦亡漢
業復初示多福經理講論不知寐武林文花共芬郁
子陵耕釣周黨隱久要修約無不速明帝亦不辱所
生班超征虜威不贖南宮圖畫二十八千古功名垂
載覆莫怪馬接偶相漏豈以貴族混臣族李躬桓榮
爲老更辟雍割牲自養育章帝克繼察察後英筭不
長人皆哭毛義捧檄張奉賤獨有心中不可曝竇后
臨朝和帝幼外家威風海塵簇鄭衆雖奪竇憲綬無
奈宦官禍風撲延平建元一夢終鄧后威名奈銜鬻
安帝卽位良才足叔度清陂浪卷陸大哉關西揚伯

起四知存心又存腹孫程擅威立順帝生憎封侯奪
官祿冲帝舜世質帝繼梁冀跋扈逆威蠱桓帝柔懦
可憐許炎運欲燬勢氣鞠荀氏八龍相追隨陳家二
難欲問孰宦官外戚互交起作書誰盡南山竹靈帝
年幼三君並漢室式微梁半熟符水療病有何益黃
巾張角是碌碌可歎四海賢攻伐環城臨水馬又舳
平野青青千里草翼立獻帝驚人目孫起富春曹充
列英雄競起原飽肉勢張涿郡劉玄德漢家餘胤序
昭穆自此江山分爲三四海何時一統服龍虎桃戰
朝又暮鼎足峙立欲覆粥讀盡歷歷興廢事幸生治

世感蒹葭

柏庸通鑑魏紀訓點畢家君併賦蜀吳凡三篇被示之至此余亦不能緘口倣其響別

賦三篇

曹操元是夏后氏夙討董卓治武陽上書自稱兗列牧威名赫赫日日揚亂世姦雄自相喜許都擇攸奉漢皇袁紹不聽沮授諫官渡爭兵奈難防劉家兒子豚犬耳嘆息仲謀勢漸強銅雀臺高高入雲僭上進爵自爲王嗣子亦追梟惡志黃初改元事強梁嗟乎天哉限南北波濤洶湧吳江長強僭可忍仲達意曹

爽就戮勢益昌貽厥逐鯨吞天下時運循環仰彼蒼中山餘胤劉玄德大志滿腔保坤維關羽張飛相逐至非虎非熊又非羆諸葛元是萬夫傑正大無敵臥龍姿益列實是天府土皇統昭昭讓阿誰卽位未暖身先去輔翼擇人得十丕出師捧呈前後表竭志盡力奈無時漢運火滅遂不興瞻死謀沒淚空垂安樂貶號心何樂閑讀遺篇感興衰

長沙大守起富春策權差肩二難并坐使吳國山河大一箭中身失一生令翁遂領江東衆任賢仕能志漸成周郎幸得東風便赤壁一戰魏軍驚陸遜挑戰

夷陵地連破四十有餘營孫亮親政孫綝忘休皓以
來唯存名識得在德不在險一榮一辱感我情

懷古松

會津城主羽林源君箕田
莊六境之一古風長篇

君不見召伯芟其棠不伐不剪枝葉長豈使其棠無
剪伐人懷惠化不能忘又不見源二墓前松清陰繁
茂箕田莊世移時替改栽否老幹依舊送寒涼枝可
養今根可培源二遺名千歲芳蒼髯含露霜氣凜猶
似髭切利劍光貞節卓立丈夫操羅生妖氣不同方
偶對松樹懷往古知得靈地依人彰嗚呼松之壽不
騫不崩源二勇名共不亾

芍藥

筠籠分得階前藥白露瀼瀼香氣薄紅白紫艷天然
色高低錯雜共婢妣恍疑竹間棲錦雞皎似林下留
白鶴又訝燕燕紫尾垂三娟三繩各依託呼做花中
伯仲李想得唐樓相輝萼有質有文自彬彬對彼對
此惻寂寞紅紫世界玉乾坤花裏宰相得尊爵姚王
若得尚殷白須與伊尹懲桀惡姚王若得尚周赤須
與呂望鏖紂虐姚王若點夾馬紫韓王堂上密策作
功成保得揚州富調和風雨望彼洛時維千林花事
了獨向南風薰高閣君不見人中范宰相知樂猶後

天下樂又不見花中賢宰相殿春知時開又落

聽江歌

藤勿齋席

高亭幽闥何所聽清波混混起東溟一聽世緣散二
聽几慮醒三聽催吟思濕出許渾千首詩四聽揮健
筆引流入硯池千聽萬聽聽不厭水哉水哉聖得知
主人爲誰藤子默和氣團團棗棗儀文義依舊淡如
水韓雲孟龍相追隨又與主人共敬聽形容品評先
解頤恰如十萬軍騎馳說與主人翁縱是治世莫忘
危恰似萬頃松風披說與主人翁對此猶思丈夫姿
或如乳泉出幽谷非金非石又非竹或如閑雨滴檐

間似琴似瑟又似筑大瓢貯月誇蘇仙爲客煎茶小
鼎前睡餘坐石問孫楚枕上夢清流水邊罷聽欲窮
千里目觀瀾之術宜拳拳泝流試欲問中原真意爨
積旣忘言欲駕無航又無桴雲烟重重隔乾坤云誰
之思西方人粟真人與安仲丸人去江遠春又春無
奈難化千億身已矣哉已矣哉倚欄唯自養精神憑
誰叫起黃魯直閑鷗今亦似昔人

新羅菊

野節席
分菊題

新種遠日新羅出千葉純白次短長玉梅陵菊是同
稱劉蒙譜中遺秋芳對花欲說昔時事風前整頰白

覓寰朴赫居世卽真日同倍清飲獻壽觴也如七寶
 光華美日域輸貢從日槍神功皇后馳戰艦隱逸之
 操欲韜光允恭天子有微恙制齡延年入藥方赤憎
 伊企讎暴言傑出持節傲風霜世移時替遂定一李
 氏御國祚運昌忽然修得舊約好滄波萬里問扶桑
 幸有同類在西別白銀堆堆百千箱爲花猶記件件
 語筆頭壅露玉成章

古風一篇併賦耕心莊中十六境

耕心莊者
加賀家長

平師儉
別業也

幽莊幽莊何所耕田無菑畚鋤無耜東作西成不待

期賦稅厚薄不關意一箇心田可耕耨仁義爲根學
 苗美曾聞人情是聖田禮耕修勵良有以又聞蔡洪
 文房譜指示豐年爲義理方寸之地可耕道千歲同
 志彼與此仕而優今優而學莊中有樂獨自喜蓄德
 府中書千卷誓古知今常阻勉止戈庫中樂太平堯
 鏊剛堅劔戟選有圃有場射御精繹志範驅問禮典
 德始堂高無寸塵切切偲偲開清宴一室清兮振衣
 坐日新洗心欲歸善良墩巽池巧相對謝公習家名
 既顯陶可景兮周可晞柵門深邃蓮沼淺孤松當塢
 風氣清感得後凋晚節貞古徑通幽萬竹立十萬丈

夫甲及明欲知稼穡艱難事邁種後獲畝畝平省察
 潛心敬疆齋日日工夫得我情庇蔭有餘不可忘廟
 羞報先方寸誠園境已佳志亦佳屏山舜弼不足評
 莊主於我交義睦依求各境共吟成恰似杜老入何
 園再遊舊因修驂盟匹如韓公問號列三堂新題表

雅名

十六境者蓄德府止戈庫繹志圃範驅場德始
 堂振衣室良墩巽池景陶門晞周沼孤松塢萬
 竹徑邁種園後獲田敬疆齋報先席也詩中往
 徃表其名

竹洞雅主來話于弘文院賦一首述即事則

依其韻要座中之高和

幽棲任運送居諸此身不被塵網繫健毫含墨自縱

橫佳律秦玉既純翕前池涵景問習家遙嶺戴雪頤
 具笠一椀潤吻盧仝茶七秩遺譽白乙集宿禽帶風
 幽夢醒凍鶯隔林雅音澁恐寒恰似冰下魚欲待春
 來沂三級

又依前韻奉皇家君要座中之高和

老驥志壯千里馳詞轡文銜不維鬲塾生負笈得得
 來家孫貪飽呱呱泣心足不求藻稅新居靜唯任素
 茅葺吟餘自愛士嶺蓉佛觀漫說須弥粒騷盟約梅
 風暗過行客分艸露厭浥董園春深鳥聲窺車覆夜
 涼螢火熠程公弄霽新月清邵雍恐寒樂窩闔回首

萬物皆閉藏陽和何日起群蟄

鳳岡林先生全集卷之七

鳳岡林先生全集卷之八

男 朝散大夫國子祭酒林信充士儔父 輯

詩部

七言古詩

芝園小集賦九月十三夜雨

今年八月十五夜
嬾雲四面暗
上下今年九月十三
霄黑窅窅裡
雨瀉瀉兩般佳
期空度
秋吟餘
馳望開
小舍我無元
獻絃未使浮
雲穿我無公
遠杖豈得升
九天佳影
輝娟者不見
恰似上陽廢
女自掩面
陰雲
閉藏露亦泣
恰似長門阿
嬌避
禁宴滴滴
繞檐恨欲

湧燈下寄思空瞻戀又疑天上蝦蟇精蝕滅圓規光
未現願使觀師四方逐拉蟊手兮扶蟊目願使霜威
逼天窟縛蟊身兮割蟊肉恨而無益悔不及含情靜
向欄曲立若使箇心無滓渾方寸一輪佳月存十三
夜來雨點點何恨清影有時昏

嗟哉仲生行

并序

在昔董召南行義而有孝慈之譽然不得
志韓文公作嗟哉董生行方今仲龍以爲
亡叔父貞毅公乳母之子生於我家長於
我家學於我家終於我家其性剛直忠勤

貞毅沒後輔護幼兒勞身焦思余惜其才
憫其夭作嗟哉仲生行以叙其事行

嗟哉仲生字潛之弱冠不幸喪君師猶有嫩萼含元
氣唯期風雨長葉枝遺文軸軸貽孫謀活書雕刻歲
月移嫩萼漸開儒林下遺文流行解人頤人謂旣謝
君師恩有功有勞知者知嗟哉仲生朝出仕夜歸讀
古人書俛焉不息孜孜揮毫頗得龍鳳勢巨細肥
瘦其相宜花晨月夕又雪夜每終清宴不知疲嗟哉
仲生勤且勞三十五年一生涯惟秋之仲月之中暴
風狂雨艸木萎嗟哉仲生去不歸有父有弟有妻兒

父稱慙遺身失群妻歌栢舟兒唱飢嗟哉仲生何不
歸去此樂土依阿誰

寄題靜古亭 并序

亭在常陽外姻白井英信別業也記其風
景請余題詠不措故古風一篇任口云爾
常陽幽莊卜佳境世緣遂淺閑味深城闕聳日出雲
外峻樓巨楠勢森森藤柄村遠農戶古知得稼穡艱
難心千波茫茫烟靄起蓮芦滿洲噪水禽風聲浙瀝
颯颯至綠岡松老垂翠陰何必管絃與金石清流寄
響音韶濩音變幻頃刻雲千態山色依舊無古今主人

優仕恩霈遍奉上日日表寸忱僮僮祈祈各有時進
退稱宜偶登臨要須會得靜中樂志士本不忘山林

代花神長歌 并序

延寶乙卯三月二十五日忍岡幽處偶有
佳客至時岡花半落半開上下之觀極清
絕矣觴于此詠于此雅趣深長花笑則客
亦歌客醉則花亦舞人花共相得也乃代
花神作長歌供佳客一莞

明冰爲相雪爲身向風一笑開玉唇雲駕霞驂飄飄
至自稱我是花中神芳語殷勤爲客謝年年不變約

青春遲者猶張機杼錦早者既作瓊瑤塵佳客勿嫌
春漸減開落有時天地真傳語風光引佳客處處韶
景處處新樹樹各各命芳名佳客爲我謝主人我有
稱嫉與辱榮人間僉言花無情我所嫉兮人知否狂
風連雨滿林鳴或有惡客喝道路或有俗子談時營
我所辱兮人知否惡鳥翻啣蛛網成俗家競栽論高
價兒童扳折撚新英我所稱兮人知否夕陽含晴佳
月明林間吹笛三弄響膝上橫琴一曲聲我所榮兮
人知否名園閑靜把酒傾玉女助粧華簪動金鈴護
春絲絲輕辱嫉常多榮稱少得喪是非感人生賴喜

今日高軒過春風擅我一園名若不棄我宜題品若
不棄我可細評有文有質生生妙于氎于香嫋嫋盈
人間有此世界無花裏乾坤別新清佳客佳客莫催
歸草間白露猶未晞蜂通香信蝶命車燕吐溫語鶯
弄機冠童五六又六七主客服成說浴沂雖有他日
再會期人間百歲好懷希君不見弘仁帝神泉苑裏
修芳契又不見釣殿會五十才子競文藝自茲清宴
遂不廢雖及天明忘歸第至尊之身猶若斯爲君猶
挹浮丘袂與君願結雲龍交四方上下張形勢與君
願通水魚情圍圍洋洋和樂逝有如暎日右如水白

宿紅樓共相誓主人無恙客平安芳情不渝幾世世

長歌送備州太守鍋島氏 并序

延寶三年乙卯之夏備州太守鍋島氏賜
官暇歸肥前采邑發途日迫一日訪余幽居
雅談移晷別情不盡太守平生好文事與
余修頌蓋通簡之好以其眷眷於余可知
余眷眷于太守不堪離恨之切送之欲以
財則家無儋儲送之欲以言則德耻仁者
送之欲唱陽關則不知曲調臨期悵然不
知所爲乃作長歌一篇漆行也

我所思兮在西陽往而欲遊水渺茫我所望兮在火
國往而欲隨雲飛揚碧水浩浩白雲遠太守一旦促
行裝五馬駸駸戈戟森于笠于簑于橐囊滄海千里
烟靄簇大鵬飛盡觀程長聖門遺教君知否觀瀾有
術又有方玉島流通白川水爲我可分一點光船坂
山高千香浦爲我可示一篇章若有鏡神空中現爲
我可寄一段粧牽衣總轡竟無益風馬不及東西洋
別來空馳相思情清貌咫尺一夢場豈無清風與明
月唯恨與君不同堂豈無山花與野草唯恨與君不
連牀長相思兮長相思聊倩新毫寫離腸綠樹含雨

清陰深相約來歲納嫩涼翠竹帶風暑塵絕相約來
歲陟高岡別鶴離鸞留君奏我有薰風琴一張言錢
禰飲勸君醉我有文筵酒一觴

歸鴈箏歌

并序

延寶三年乙卯孟夏武州東觀山有齋會
之事伶官正四位下拍近元亦自洛東來
勤樂舞留滯之際奏于遍樂於先聖殿寓
規祝之意且示歸雁箏以喜有往歲所約
之信也既而歸裝不堪相思之情賦歸鴈
箏歌一章以寄附風信

歸鴈箏兮歸鴈箏東來西去千里程來時殷勤彈一
曲洛陽春深花滿城去時殷勤彈一曲江城滿樹綠
陰成啼鶯莫唱思鄉樂一曲傾耳洋洋盈韶濩餘音
雲山響一曲迭奏天地誠流水入志知音舊伯牙千
歲有餘情我亦通家有宿契勿忘岡上雲霧晴千遍
留聲五常樂一封通信兩情盟曾聞箏有西音在爲
我可寄秦曲精又聞箏有雅音在爲我可寄風調清
推故引新易風俗料知旦昏膝上橫君不見清獻先
生一張琴家傳不肯換金羸又不見拍家老人十三
絃世世唯期不隕聲

五月十三日遊芝園賦竹醉日

問君緣底耽真醉此君有語猶未聞美酒露湛半叢
露垂幄煙合滿林雲七賢六逸醉放後餘情託君亦
醺醺翠袖飄風起欲舞是耶非耶兩不分對君問著
醉中趣清陰深處語殷勤此君既醉卿且去陶李蘇
云吾亦云

江靜軒君詠蘭傲江南曲又別裁長篇併以

寄之乃和其韻附來使楮國有餘地別賦

古風一篇供莞具請清和

桃紅李白競嬌艷牡丹芍藥謾繁榮唯有幽蘭生幽

谷寂寞風高尋騷盟移根忽入林家去朝愛暮玩屢
吟行蒔以沙石沃以湯唯期歲歲着香英芷蕙蓀薜
是同種梅花桂菊難較清一枝聊寄大江水有香有
色抽衷誠叢露添色清皎潔猶期陶韋詩句成香風
芬郁入君夢先祝佳兒脫錦繡待得君家文才秀斑
臺千歲表佳名待得君家風操直范溪千歲託餘情
一枝折寄非無意爲君殷勤向花評奕葉有光花有
德君家日日揚芳聲

菊花歌寄江土牧

君不見春花婢灼競繁榮認得艷陽傳芬聲又不見

冬松亭亭抱孤直占斷雪霜表本誠花含紅意雖有
文未知鬱鬱風操貞松受蒼官雖有質未知郁郁文
華生我家秋叢似陶家時看籬菊著落英晚節卓立
吐光華有文有質二難并喚做彬彬君子人天然佳
龜大德亨花中此物無比倫殷勤更將人品評潔如
子猷訪戴逵山陰雪夜孤棹輕正如蘇武在天山提
携漢節忠心明高如伯夷入西山採薇一曲義氣清
壯如洛陽百花裏高處吹笛張子房隱如竹林七賢
醉嵇琴阮嘯天機鳴壽如渺渺神仙境遠唾遲杖八
百彭呂令記候賞正龜靈均知己結豨盟願有古賢

偏愛賞劉范譜中識佳名枝枝折寄君勿棄分得秋
香一片情胡蝶奉使蜂通信靜傍東籬深處行芳契
先修歲寒約人與此花得玉成

漱玉亭歌

亭者在丹後國
江土牧所築也

新亭輪奐臨岩谷前山嵯峨雜卉木涓涓流泉小路
通飛流條紊于似瀑若非銀河自天落定是玉虹向
地逐喚做漱玉良有以人洗齒牙與心目櫻挑着花
水上浮輕烟薄霧逐風馥不知人間炎暑塵新涼頓
生自一掬遠淡近濃秋山粧葉葉添霜風林曝岩松
宜結歲寒盟清陰雖老負操蠹四時佳興長不盡觀

鳳岡全集 卷八
物洗心吟思速渙村連屋農家古晒網荷鋤生業熟
與謝海深深無底東舩西舫共湊輻宮津城高高入
雲峻宇長樓各壅覆知得 官家恩霈遍奉上忠誠
可三復顧後先指祭祀堂祖先庇蔭感和育賴可薦
兮繫可羞手可洗兮口可漱懸瀑噴玉清皎潔一心
明明爲君祝我有游岩泉石癖何日清遊得信宿一
篇裁成斐然章徐凝惡詩不足讀君不見廬山香爐
漱玉亭飛流百丈下山麓又不見本邦丹陰漱玉店
薄綃萬匹織天服

謝藤伯棟甫惠後視陶爐

佳人惠我一陶爐青質如玉殊清新獸王依樣瓘威
存頭尾軀蹄殆逼真一見感妙巧丁諼九層非所論
二見謝厚惠千金九鼎不足珍三見漆相思人在千
里海西濱百見千見看不飽文房清玩稍相親費氏
鵲尾最尋常涪翁睡鴨難比倫何問彫木與鑄銅不
求鏤金與塗銀從來我亦有香癖黃雲滿帳瑞氣純
蓬萊之山在何處駕乘雲霧望芳塵四香之閣在何
處燒盡沉水欲問津花晨雪夕又月夜焚香獨坐遠
望頻無情清風吹又斷飛香未寄相思人爐中香燼
人已遠何日清談修舊因海雲茫茫海水渺欲往而

遊難化身

藤勿齋來遊同賦惜花吟

岡上花旣披岡上客未來客言花開早花言客來遲
眼看春色渾如夢開落盛衰黍一炊傍人莫怪惜春
切韶華於人隔歲期吟身化得南園蝶曉夢猶繞折
殘枝四時攜酒醉歐陽萬點飛花嘆拾遺餘香殘英
修芳約紅意殷勤共開眉狂風崇雨亦何恨人間榮
辱猶如茲心足何論多少異一花認做百花時客旣
醉兮花亦語料得人花共相宜種花由來不貴多程
公格言知者知清遊如問物外興無奈西山夕陽移

被畠山義玄高玄誘步于郊村過東海寺遊

泰叡山賦古風一篇

淡靄聚散雨漸晴惹杖步步相前後閑遊不厭行程
遐佳境佳景不相負逝者如斯三口川清流千里問
源口片帆含風何處之遠山多少可吟取村村煙微
農屋陳力耕知時各成偶行入東海寺裏深四望無
碍屢回首半池荷葉迎夏浮滿隴麥浪報秋否萬年
石古臨水欹百尺林高結根久行厨適口坐且休盤
右嘉肴樽有酒泰叡幽邃風物殊瀑溜兩派洗塵垢
老松偃臥喬條分風雲護林長不朽終日遊賞樂有

餘世情既去閑情厚歸來猶起晦翁嘆幽勝夕入浮屠手

訪青山幽居作歲暮吟寄呈主人

曆末捲盡三日殘流光冉冉下坂丸須臾之間一歲暮今年推知來年殫君不見世上權勢家行客絡繹簇銀鞍君不見世上富貴家肉屏相圍爐炭丹君不見世上貧賤家鶉衣百結蘆絮單君不見世上市鄼家貪三廉五生業難君不見世上山林家在澗在陸歌考槃別有青山深處好悠悠心事水雲寬祿豐門大身却閑官仕猶是似無官烟霞有趣泉石興世上

榮辱不相干歲暮規祝共強健杯酒交酌盡君歡杜詩韓筆入清談河魴洛鯉供晚餐温飽有餘隨所樂不論城市與雲巒殷勤寄語青山主俗情危於百尺竿富貴雖榮憂亦隨權勢雖大有所嘆山林雖樂非我居貧賤市鄼不足看要須靜坐讀黃卷一心一體長廣胖青山右樂無人會園境漸佳居亦安請君有意莫變操百尺風松保歲寒

青山觀花歌

青山深處幽閑地松杉連林清陰翠中有白櫻數百株如雲如雪感天質清似天女晒晴絲殷勤繅出機

中織皎似百億萬彩星燦燦爛爛風前隊高似三千
茅子行侃侃閭閻孔門侍絮似胡塞萬里沙白髮滿
頭漢家使兩株三株芳蒂連恰如人世叙孟季有大
有小隨處異恰如人世分老稚主人約我我約花清
時有味一般意毛陶陳楮花下坐藜羹粟飯花下食
不用豪華張錦帷不用歌舞弄鼓吹林爲翠幄苔爲
茵風中偶聽琴音至廬山錦繡不足數金谷勝景可
落二時是暮春春服輕賞心樂事共相備園花有神
向我語我亦不惜運吟屣爲主有喜爲主恨主人主
人請試記唯喜主人風流遊徃徃題品連香字一瓢

美酒一張琴下指絃間勸微醉唯恨主人思惠移尋
芳或有小車出一歲在東一歲西等閑韶景隔歲視
清談未了微風起笑而不荅閑擁鼻我家岡樹春色
深相約長有芳信寄情深何厭行程遙紫徃紅還窮
雅致主人與我富春秋歲歲莫負春遊事暮靄千里
日已傾詠歸欲言點也志



鳳岡林先生全集卷之八

Blank page with a large rectangular border, containing faint, illegible text.

